

Euskal AEko biztanleria landuna 2.500 pertsonaz gehitu da eta langabezia-tasa %13,8an da 2013ko lehen hiruhilekoan

Biztanleria aktiboa hazi egin da; jarduera-tasa, %55,1

Euskal AEko lan-merkatua: Euskal AEko lan-merkatuko 2013ko lehen hiruhilekoko datuen arabera, okupatuak 888.300 ziren, hiru hilabete lehenago baino 2.500 gehiago, (%+0,3), Eustaten datuen arabera. Bestalde, Euskal AEko langabezia tasa %13,8 da; 2012ko laugarren hiruhilekoaren aldean ehuneko puntu bat gehiago.

Landunen eta langabeen bilakaeren ondorioz, jarduera-tasa %55,1ean da 2013ko lehen hiruhilekoan, aurreko hiruhilekoan baino ehuneko puntu bat gehiago.

Emakumeei eragin die batik bat okupazio-igotzeak, aurreko hilean baino 2.600 gehiago dira; gizonen kasuan, berriz, 100 gutxiago. Arabak 3.300 okupatu garbi gehiago ditu, Bizkaiak 1.400; Gipuzkoan 2.100 gutxiago.

Okupazio-igoera zerbitzuetan metatzen da

Eraikuntzan (-2.900) eta industrian (-3.800) galera garbiak ditugu biztanleria okupatuarentzat; berriz, zerbitzuetan (+8.600) eta nekazaritzan (+600) irabaziak.

Okupazio-tasa, 16tik 64 urtera bitarteko biztanle-kopuruaren gainean landunek duten ehunekoa, %61,8an da, aurreko hiruhilekoan baino ehuneko 0,4 puntu gehiago. Tasa hori gizonezkoentzat %65,5ekoa da eta emakumezkoentzat %58koa.


Okupazio-tasarik altuena, Gipuzkoak, %64, aurreko hiruhilekoaren 0,3 puntu gutxiago; Arabak %62,4koa, 1,3 puntu gehiago; baxuena Bizkaiak, %60,3koa, ehuneko 0,6 puntu gehiago azken hiruhilekoan.

Kontratu mugagabea duten soldatuko kopurua handitu egin da, 565.700 delarik; aldi baterakoa dutenak eta kontraturik ez dutenak guztira 157.100 dira, jaitsi direlarik.

Familia-etxeen %5,4an pertsona aktibo guztiak langabezian daude

2013ko lehen hiruhilekoan zenbatesten da Euskal AEn gutxi gorabehera dauden 866.500 (aurreko hiruhilekoan baino 7.900 gehiago) familia-etxeetako heren batean ez dagoela pertsona aktiborik. Erdia pasatxoan pertsona aktibo guztiak okupatuta daude, aurreko hiruhilekoan baino 1.700 familia gehiago; pertsona aktibo guztiak langabezian dituztenak 46.400 dira (guztirakoaren %5,4).

Biztanleria okupatuaren joera, 1985etik. Euskal AE. (Milakotan)



Iturria: Eustat. Biztanleria Jardueraren Arabera (BJA)

Langabezia-tasa %12,8tik %13,8ra hazi da

Langabeak, hots, lan bila aritu, bilatzeko kudeaketa aktiboak egin eta gainera lanerako prest daudenak, urteko lehen hiruhilekoan 142.400 direla zenbatetsi da, 12.200 gehiago aurreko hiruhilekoan baino. Gizonezko langabeen kolektiboak 81.700 lagun hartzen ditu, 9.600 gehiago. Emakumezkoen artean, 2.700 gehiago daude lehen hiruhilekoan, orain guztira 60.700 dira.

2013ko lehen hiruhileko datuen arabera, langabezia-tasa %13,8an da, aurreko hiruhilekoaren aldean puntu bat gehiago. Gizonen langabezia %14,7ra igo da (ehuneko 1,5 puntu gehiago), eta emakumeena 0,4 puntuz gehitu da, %12,8 delarik. Gazteen langabezia-tasak altuena izaten segitzen du, %41,3; horrenbestez, 16-24 urte bitarteko 15.900 gazte aktibo daude langabezian.

Langabe-hazkunderik handiena, Bizkaian (+5.400); langabezia-tasa, %15,8. Gipuzkoan %11,1eko tasa dugu; langabe kopuruan 4.700 pertsona gehiago, 36.000 guztira. Araban 2.200 pertsona gehiago dira langabeak aurreko hiruhilekoaren aldean; langabezia-tasa %12,6.

EUROSTATen arabera (Europar Batasuneko Estatistika Bulegoa), 2013ko otsailean, 27-EBko langabezia-tasa %10,9 zen, eta Espainiakoa %26,3.

Azken urtean Euskal AEko langabe kopurua 16.800 pertsonaz hazi da

Euskal AEko biztanleria okupatuak azken 12 hiletan -2013ko lehen hiruhilekoan 2012koaren aldean- 24.000 pertsona galdu ditu, %-2,6. Jaitsierak gizonei eragin die (-18.600) emakumeei (-5.400) baino gehiago.

Langabezia-tasa ehuneko 1,7 puntuz hazi zen azken urtean (%12,1etik %13,8ra). 16.800 pertsonak utzi zioten landun izateari Euskal AEn urtean zehar. Araban langabezia-tasa ehuneko 5,8 puntuz hazi da; Gipuzkoan 1,7z; Bizkaian 0,6 puntuz azken hamabi hiletan.

BIZTANLERIA JARDUERAREN ARABERA SAILKATZEKO INKESTA (BJA)

	2013ko 1. hiruhilekoa		Aldakuntza aurreko hiruhilekoaren aldean		Aldakuntza aurreko urteko hiruhileko beraren aldean	
	Milakoak	%	Milakoak	e.p.*	Milakoak	e.p.*
16 URTE ETA GEHIAGOKO BIZTANLERIA	1.870,8		-5,3		-1,9	
AKTIBOAK / IHARDUERA TASA	1.030,7	55,1	+14,8	+1,0	-7,2	-0,3
Gizonak	557,3	61,5	+9,5	+1,4	-8,0	-0,7
Emakumeak	473,4	49,1	+5,3	+0,6	+0,8	+0,1
BIZTANLERIA LANDUNA / ENPLEGU-TASA	888,3	61,8	+2,5	+0,4	-24,0	-1,1
Gizonak	475,6	65,5	-0,1	+0,4	-18,6	-2,0
Emakumeak	412,7	58,0	+2,6	+0,5	-5,4	-0,2
Araba/Álava	137,5	62,4	+3,3	+1,3	-4,5	-2,1
Bizkaia	461,9	60,3	+1,4	+0,6	-6,9	-0,1
Gipuzkoa	288,9	64,0	-2,1	-0,3	-12,6	-2,3
Nekazaritza	8,6		+0,6		+1,5	
Industria	202,2		-3,8		-16,7	
Eraikuntza	53,3		-2,9		-7,5	
Zerbitzuak	624,2		+8,6		-1,4	
Soldatakoak	722,8		-6,1		-30,1	
- Kontratu mugagabea dutenak	565,7		+2,1		-18,6	
- Aldi baterako kontratuarekin eta kontraturik gabe	157,1		-8,2		-11,5	
Ez soldatakoak	165,5		+8,6		+6,1	
LANGABEAK / LANGABEZI-TASAK	142,4	13,8	+12,2	+1,0	+16,8	+1,7
Gizonak	81,7	14,7	+9,6	+1,5	+10,5	+2,1
Emakumeak	60,7	12,8	+2,7	+0,4	+6,2	+1,3
16 - 24	15,9	41,3	+0,9	+1,9	+2,7	+14,8
25 - 44	85,7	15,3	+8,4	+1,5	+9,4	+1,9
45 eta gehiago	40,8	9,5	+2,9	+0,5	+4,7	+0,9
Araba/Álava	19,9	12,6	+2,2	+0,9	+9,5	+5,8
Bizkaia	86,5	15,8	+5,4	+0,8	+2,5	+0,6
Gipuzkoa	36,0	11,1	+4,7	+1,4	+4,8	+1,7
EZ-AKTIBOAK						
EZ-AKTIBOTASUN TASA	840,1	44,9	-20,1	-1,0	+5,3	+0,3
ETXEBIZITZAK	866,5		+7,9		+10,2	
Aktibo 1 edo gehiagoko etxebizitzak	578,9	66,8	+7,8		+3,9	
- Guztiak okupatuak	466,2	53,8	+1,7		-8,7	
- Guztiak langabeak	46,4	5,4	+1,5		+6,9	
Aktiborik gabeko etxebizitzak	287,6	33,2	+0,1		+6,2	

*e.p. = Aldea, ehunekotan

Iturria: Eustat. Biztanleria Jardueraren Arabera (BJA)

Informazio gehiago:

Eustat - Euskal Estatistika Erakundea / Instituto Vasco de Estadística

Donostia-San Sebastián, 1. 01010 Vitoria-Gasteiz

Prentsa zerbitzua: servicioprensa@eustat.es Tel.: 945 01 75 62

(BJA) Biztanleria jardueraren arabera sailkatze inkestari buruzko prentsa-ohar gehiago

(BJA) Biztanleria jardueraren arabera sailkatze inkestari buruzko datu-bankua